



Siverth K. Heilmann

Atassut

UPA 2024/22-1 &

UPA 2024/50-1

9. april 2024

**Siunnersuut uunga Utoqqalinersiaqarneq pillugu Inatsisartut inatsisaata allanngortinneqarnera pillugu Inatsisarut inatsisaat.**

(Isumaginninnermut, Ilaqutariinnut, Suliffeqarnermut Nunamullu Namminermet Naalakkersuisoq)

Aamma

**Isertitat annertussusaat malillugit utoqqalinermi soraarnerussutisiat ilanngarneqartarunnaarlutilluunniit atorunnaarsinneqartarunnaasillugit, Naalakkersuisut utoqqalinersiaqarneq pillugu Inatsisartut inatsisaannut allannguutissatut siunnersuummik suliaqarnissamik peqquneqarnissaannik Inatsisartunut aalajangiiffigisassatut siunnersuut.**

(Inatsisartuni ilaasortaq Mariane Paviasen, Inuit Ataqtigiiit)

Qulaani qulequtarineqartunut ilisarnarluartunut, Naalakkersuisut aamalu Mariane Paviasen, IA-p inatsisartunut aalajangiiffigisaaattut saqqummiussaqaarnissinnut qujanaq, imatullu naalisakkamik Atassummiit oqaaseqarfigissavarput.

Naak Nunatsinni sulisussanik amigaateqaleraluttuinnarnerup nalaani, inuit peqqissut sulilaarpata, isertitaqalaarpata, ilanngartuunneqartuarnerat anigorusullugu, siunnersuuteqarnikuunera iluatsivissimanngilara. Naalakkersuisunit suliaq allaanerulaartumik ilusilerniarneqarmat aallartereersimanerarmassullu naammagiinnarsimavara.

Atassut sinnerlugu utoqqaat atugaannut oqaaseqartartutuut, kommuunini assigiinngitsuni ilaatigut tapeeriaatsit atugassarititaasut inatsisiliortutuut eqqumaffigineqarnissaasa qulakkeerneqarnissaasalu pisariaqassusiat eqqaasakkama kaammattuutigisakkamalu ilagiinnarpaat.

Taamaattumik Naalackersuisut ilami aamma inatsisartuni ilaasortat allat aalajangiiffigisassanik saqqummiisarsimanagerat, manna tikillugu tamakkiisumik iluatsissimanngitsutut nalilerneqaqqimmat qaqqeqinneqarpoq.

Utoqqalinersiuteqalersinnaaneq pinngitsaaliissutaanngilaq, taamaakkaluartorli nalunngilarput inuit atugaat assigiinngissinnaasernerat pissutaalluni amerlaqisut pisariaqartitsisullu pisartagaqartut.

Utoqqalinersiuteqaraluarluniluunniit suliinnarnissamut aningaasarsiuinnarsinnaanermut aamma ilanngartuunneqarani allatuulli annikitsumik akileraartarsinnaneq ammaffigineqarsinnaanera tikkuarnikuusama nalilersorneqarsinnaaneranut Atassummiit kaamaattuutiginnassavarput.

Taamatut naalisaaqalunga inassutiginnassavarput suliat marluusut aappassaaneerneaqqannginnerani peqqissaarullugit ataatsimiititaliami susassaqartumut ingerlateqqaarneqarnissaat.

Qujanaq.